



Vis consili expers mole ruit sua.

Dño Ludovico Hal-  
lero ab Hallerstein,  
Stemmate, eruditione,  
animi candore,  
verè nobili, Ab. Ortel-  
ius hoc amicitia  
mnemorsynon de-  
dicabat.

PANNONIAE,  
ET ILLYRICI VE-  
TERIS TABVLA.

Ex conatibus geographicis Abra-  
hami Ortelij Antverpiani.

Cronium, Hadriaticum, et Superum Adriaticum, et Rhaetia Sinus.

Infula Illyrica incognita positionis.

Boas, Ammianus,  
Goreiro,  
Ladefla,  
Antonini,  
Solennia.

Loca incertae positionis.

In ILLYRIA populi, Agavonites, Araxae, Cinabri, Decuni, Deremis, Ie,  
Dexari, Dudum, Gloditiones, Grabai, Hemasini, Hymani, Lacmienses,  
Mentores, Melcomani, Oxi, Palarei, Pleri, Salsci, Scirtari, Selepti,  
tani, Separi, Stulpini, Syopij, Tralles. Urbes, Alcomene, Arduba,  
Astraea, Balcha, Barguloni, Bolurus, Cornutum, Dimaloni, Eugenium, Hysana,  
Iovium, Megara, Melitusa, Nerata, Nina, Nuvria, Oedantoni, Olympe, Orgomenae,  
Pelon, Pheri, Seretum, Sefarethus, Setovia, Sinotium, Sir, Surum, Tribulum. Regio  
las, Fluvius Salancon. Mons Monochus. Locus Senta. In PANNONIA populi,  
Arivates, Belgites, Cornate, Dalmatones, Decunij, Desitantes. Urbes, Albanum, Ardicana,  
Burgena, Quadruburgum. Haec urbes quosq. circa Lappiam, Liriangi, Archimaeas,  
Toryum, et populi Eleutij, Moentini. Quedam etiam ex Anton. Itinerari hic omisit.

Cum Gratia et Privilegio  
decennali 1590.



# PANNONIA ET ILLYRIS.



PANNONIA auctorem in primis fide dignum, ut quem huic nationi aliquando praefuisse constat, lego, Pannonios dictos ex eo, quod tunicas manicatas ex pannis more suo concisis ac confutis conficiant, ut interpretatur Xylander, aut ut vertit hos Belgici Orbis Lipsius, quod tunicas manicatas ex centonibus quibusdam & pannis (ita appellant) patrio more conficiunt, & coaptant. Ab Alpibus Appenninis nomē habere, nescio ubi legerit, aut potius somniauerit Isidorus. Horum regionem Pannoniam, Ptolemæus inter Danubium & Sauum flumina, Cetium & Albanum montes, limites naturales constringit. Sic quoque Strabo, qui Pannonios extendit versus Occidentem, nempe ad Segestiam urbem, & versus Septemtrionem ad Istrum: à Meridie ad Dalmatiam & Sardiæos populos. Florus scribit hos vallari duobus saltibus, & tribus fluuiis, Dauo, Sauo, Histroque. Ad Istrum fluuium habitare, à Norico vsque ad Mæsiam Europæam, ait Dion. Appianus eos à lapodem populis vsque ad Dardanos protendit. At in eo fallitur, quod hos Pæones nominat, errore cum Græcis communi, quem primum detexit Dion 49. Romani enim eos, & ipsi sese, Pannonios vocant. Pæones alij ab his, ad Rhodopen montem nempe, & Macedoniam maritimam. Hanc Pannoniam Ptolemæus, Strabo, Dion, Aurel. Victor, & inscripti lapides in Superiorem & Inferiorem distinguunt. In Primam & Secundam, lib. Notitiar. Pannonias tres numero facit Optatus Afer. non verè, cum duas tantum describant classici hi auctores, neque plures depingat Traiani Decij Imp. hinc oriundi nummus, cuius iconem hic adiungi curauimus. Hanc regionem solo planam, lætam, atque vberè esse, tradit Solinus. Nemorosam, & nullas vrbes habere, agros duntaxat per villas & cognationes possideri, scriptum reliquit Appianus. His agris, ut lego apud Hygenum, pretium & vectigal ad modum vbertatis per singula iugera constitutum. erant enim arui primi, arui secundi partis, siluæ glandiferæ, siluæ vulgaris pascuæ, &c. Aliter autem de eadem postea Iornandes: qui dicit patriam ornatam ciuitatibus plurimis. Incolas omnium hominum vitam durissimam tolerare, neque terram neque aërem felicem habere, neque apud eos oleum aut vinum, nisi paucissimum, nasci, neque hæc eos colere: cum maiorem anni partem acerima in hieme viuunt. Sed hordeum & milium [zeam & milium Strabo] eos edere, & potum ex iis conficere, docet Dion. additque hoc non auditu aut lectione, at re ipsa cognouisse, dum huic genti præesset. At homines dicit omnium fortissimos, ut qui nihil vita honesta dignā habeant, ad iram & cædes sint propensissimi. Solinus hoc idem confirmans, dicit viro fortem hanc esse regionem. Subdolos incolas, dicit Tibullus 4. Ferores, Status & Paternus appellant. Sed idem eosdem laudat, non tantum à disciplinæ militaris studio, sed linguæ quoque Romanæ notitia: atque litterarum peritque etiam vsu. Armiferos nominat Aufonius. Aëris vsu hos, imprimis qui circa Noricum habitant, inuenisse, tradit Euseb. 10. Preparat. Corpore præualidos, & proceros in pugnam cademque paratissimos, Herodianus. sed ingenio ita pingui, ut haud facile sentiant, si quid agas dicæve astutè aut subdole. Mamertini Panegyricus hanc Pannoniam, virtute, uti Italiam gloriæ rustate, gentium dominam nominat. Glandiferam nominat horum regionem Plinius, & idem saluicam herbam in ea prouenire, tamquam memorie dignum, sua Naturali historia testatum reliquit. Pannonicos canes laudat Oppianus: & venationi non ineptos, Nemesianus dicit hoc versu: *Nec tibi Pannonica stirpis temnatur origo.* Pannonicos pileos ex pellibus factos, quibus milites uti cōfueuer, celebrat Vegetius. Huic regioni postea vineas habere permisit Probus Imp. qui & opere militari Almu montem apud Sirmium, & Aureum apud Mæsiam superiorem, vineis conseruit. ut habet in huius vita, Aurel. Victor. In Pannonia adeo auro fertilis esse solum, ut plurimis pondus minam excedens repertum sit. & in huius cōfinibus, crebris imbribus terræ liquefacta, aurum quod apyrum vocāt, inueniri, scribit in Admirandis Aristoteles. at Græcum errorem hic denuo agnosco, cum Pannonia pro Pæonia scribendum sit. Pannoniam enim siue Hungariam, hætenus ad miraculum vsque esse auriferam, testes habemus præter cæteros, Bonfinium, Broderithum, & Ranzanum, qui adfirmat etiam aureas ex vite virgulas ad digiti & semipedis longitudinem complures se vidisse. De Pæonia auri fecunditate nemo. Laërtius in Pyrrhi Elenhis vita annotauit Pæones mortuorum corpora in stagna proicere. Max. Tyrius Oratione 38. scribit Pæonas Solem venerari, & signum Solis esse discum breuem, longo impositum ligno. an hoc verò de his, aut Pannonibus potius (quia Græcus quoque est.) credi possit, peritioribus inuestigandum trado. Item locum Æliani 7. Animal. cap. 12. ibi digna lectu de Pæonia mulierum operositate, & laboris patientia. Pæonas etiam (pro Pannonibus) habet Zetza Childe 10. numero 318. ubi quadam sunt huc perstitentia. In Illyrio & Pannonia esse monychos, tradit Antigonus, in Mirabilib. Monops animal hoc puto Æliani. Aliis Bonafus. Pannoniam bifontium animalium feracem ait Diaconus 2. Longob. cap. 8. additque se audiuisse ex vero fene, in huius animalis corio quindecim homines vna cubare, magnitudinem eius indicans. Atque hæc de Pannoniis, nunc de Illyrico.

ILLYRIS vocatur hæc regio Ptolemæo: Illyria, Illyrias, & Illyrium Stephano: Illyricum à cæteris Geographis Historicisque. Huius tractum olim descripsisse toto volumine Alexandrum quendam, testis est Val. Max. Nomen accepit, si Appiano credimus, ab Illyrio Polyphemi F. si Apollodoro, & Stephano, Cadmonis F. Limites huius multifariam ab auctoribus describuntur. Ptolemæus eam mari Hadriatico, Istria, Pannoniis & Scardo monte, à cæteris distinguit. Plinius ad Lissum urbem finit. Pomponius huius initium constituit à Tergesto, finem ad Æam fluuium, qui secundum Apolloniam est. Martianus vltorius, ad Ceraunios nempe montes vsque, ut quoque Strabo. Suetonius in Tiberio de huius limitibus hæc: Illyricū, quod intra Italiam, regnumque Noricum, & Thraciam, & Macedoniam, inter Danubium fluuium, & sinum maris Hadriatici patet. Amplissimam autem facit Appianus: ut qui eius longitudinem ab Istri ortu, ad Ponticum vsque mare producit. Sex. Rufus qui vixit sub Valentiniano Aug. sub Illyrico provincias septem & decem numerat: has scilicet, Noricorum duas, Pannoniarū duas, Valeriam, Sauiam, Dalmatiam, Mæsiam, Daciæ duas, Macedoniam, Thessaliam, Achaia, Epiros duas, Præualim & Cretam. Hæc de nomine & limitibus, ex variis auctoribus. Nos autem hac tabula Ptolemæi Illyricum tantum expressimus, quam ille bifariam diuidit, in Liburniam nempe & Dalmatiam. Liuius 45. eam per populos in tres partes distinguit: de cuius regionis natura, hæc Strabo. Tota Illyrici ora est opido commodis instructa portubus: tum ipsa, tum insulæ etiam vicinæ: & bonarū frugum ferax, oleis & vitibus egregia. Quæ supra hanc sita est regio, mōtosa est tota, frigida ac nivalis: ita ut vites rarè sint & in editis & in planis locis. Ob id, non improprie gelidam Illyriam, dixit Propertius. Incolas bellicosissimos dicit Appianus. Terra marique feroces, Liuius. Sauros & latrocinii addictos, asserunt Florus & Strabo. Fortissimarum Europæ gentium vnam esse, Iulianus Imp. in Sermone de Cæsaribus, auctor est. Duas Legiones Martiobarbulos in Illyrico semper fuisse, traditur à Vegetio. Hos Diocletianus & Maximianus postea Iouianos & Herculeos nominauere. ex quæ cunctis aliis legionibus prælatæ. Illyricis sudant equitatibus alæ, inquit Claudianus in Laude Serenæ. Aruspiciæ etiam cognitione celebres, facit Lampridius, dū scribit Alexandrum Seuerum hos in huius pericia viciisse. Isogonus apud Pliniū scribit apud hos esse homines qui visu effascinent,

I

interimantque quos diutius intueantur, iratis præcipue oculis, eosque, binas pupillas habere. Vinofos esse docet Ælianus, & ebrietati admodum deditos Arhenæus. Sabaia pauperum potum, sic dictum, atque ex hordeo vel frumento in liquorem conuersum esse, apud Ammianum lego. Hos peltam inuenisse, annotauit Clemens 1. Stromatum. Iumenta bis hic in annos singulos, & pleraque geminos, multa ternos, & quaternos parere: nonnulla etiā quinos aut plures simul progignere, lacteque diurno tres semel extarios implere tum gallinas non semel tantum, sed bis terve in dies singulos oua edere, perhibet in Admirandis Aristoteles. Capras hic vngues pedum indiuisos habere, scribit se audiuisse Ælianus. Gentianam præstantissimam hic nasci, annotauit Plinius. Idem Illyricas cochleas, magnitudine præcipuas esse. Lychnidem optimam hic prouenire, in locis editis procul à mari, auctor est Athenæus 15. Illyricam picem celebrat Ouidius 2. Amandi, & ad Tuticanum. Iridis Illyricæ meminere Theophrastus, Celsus, Ouidius, & Dionysius Vticensis. & huius laudatissimam nasci in siluæ Iribus Drilonis & Naronæ, scribit Plinius. In Illyrio quater nos equos Neptuno nono quoque anno in mare olim iaciebant, si fides Festo, in verbo Hippus. A Dionysio Vticensi & Cæl. Apitio memoratur oleum Liburnicum. Idem fontem frigidum in Illyriis esse docuit, supra quem expansæ vestes accenduntur. Et de Illyrico hæc generatim. nunc speciatim de eius regionibus Liburnia & Dalmatia: quarum finis & initium est Titius fluuius, ut censet Florus. siue Scardona vrbs, ad huius ripam, ut placet Ptolemæo, Dioscoridi, Galeo, & Plinio. Liburnia nauibus, quæ inde Liburnicæ vocantur, insignis: quas aliis omnibus nauibus bello apiores æstimat Vegetius. teste enim Appiano leuitate & celeritate ceteris præstabant. Nec minus veloces esse scribit Zosimus, quàm quæ quinquaginta remis agantur. At falsò idem has ab urbe Italiæ sic dicta, nominatas adserit. Olei Liburnici meminit Apitius. De ferrariis Dalmatiæ, vide quædam apud Cassiodori Variar. lib. 3. ad Simeonem. Auriferâ esse, ostendunt Statij hi versus, in Siluis: *Quando te dulci Latio remittens Dalmatæ montes, ubi Dite viso Pallidus fossor redit, erutoque Concolor auro.* Itē hi Martialis: *Ibis littoreas Mæcer Salonas, Felix aurifera colone terra.* Nulla tamē pecunia eos uti, Strabonem testem habemus: qui & agros eos singulis octenniis denuo diuidere ait. Rapam & pastinacam circa Dalmatiâ vltro prouenire, scribit ex Posidonio Athenæus 9. (ut vertit Dalechâpius cū Ἀλυσία in Græco legitur) voce à nemine alio memorata. Taulantios Dalmatiæ populos, ex melle vina reddere, tradit Aristoteles in dictis Admirandis: fauos enim, aqua superinfusa exprimunt, ac simul ahenò ad mediam vsque partem concoctam, primum fictilibus infundunt, deinde vasis ligneis referunt in multa tempora, donec per omnia vini saporem contrahant. Idem ibidem scribit, in Ardiæis [etiam Dalmatæ] iuxta Autariatarum cōfinia, magnum esse montē, & in propinquo vallem, vnde aqua profilit copiosa, non equidem omni tempore, sed vere tantum, quam interdum vasi infusam feruant, noctu sub dio confluunt. Quod dum ita fit sex diebus, vltimo congelatur, ac sal omnium perfectissimum efficitur. Senta nomine, specum, habet Plinius in Dalmatiæ ora, vasto in præceps hiatu, in quam deiecto leui pondere, quamuis tranquillo die, turbini similis emicat procella. Huc pertinet fortè fabella duarum rupium, quarum meminit Dionysius Afer. In eadem regione spelunca est, quæ Dianæ dicitur, si Phlegonti Tralliano fides, in qua videre licet multacorpora, quorum costæ xvi. vlnas excidunt. At hætenus de hac regione, eiusque gente, ex auctoribus maximè vetustis.

Hanc Illyriam postea Slauoniam, & eius populos Slauones, nominauit recentior ætas: sub quo nomine à Basilio Imp. Constantinopolitano à gentium reliquarum feritate abductos, & baptismo sacro imbutos, tradit huius F. & successor Leo Imp. libro de Bellico apparatu, cap. 18. ubi hos eorum mores prolixè satis describit, his Ioannis Checi interpretis verbis: Populosa natio est, omnium ærumnarum patiens: calores, frigora, pluuias, nuditatem, com meatus & rerum necessariorum inopiam facit, le perferit. Erant hospitibus humani: quam hospitalitatem adhuc studiosè retinent. Peregrinis enim benigni ac mites erant, & illos lubenter ac humaniter excipiebant, & à loco in locum comiter deducebant, & ab omni noxa offensioneque integros & seculos conseruabant. Itaque si propter negligentiam hospitis peregrinus lædatur, bellum statim contra eum mouet. Nam fidei magnam declarationem esse putat, si peregrini vicem viciscatur. Aliud præterea non inhumanum hoc videbatur apud eos esse: captiuos enim suos non ad infinitam seruitutem obligabant, sed ut captiuos potius apud se retinebant, & certum quoddam seruitutis tempus præscribebant, ut post hoc tempus expletum, certa quadam mercede data, ad suos redire possint, vel, si male, lent, apud illos liberi & amici permanerent. Feminae illorum præter ceteras modestæ feruntur. Multæ enim virorum suorum mortem tam grauius ferunt, ac si sua esset, & seipsos suffocant: vitam enim viduam ac solitariam ferre non possunt. Milio ad comeatum vtebantur: temperantiam in victu maximè colunt: reliquos agriculturæ labores minus perferunt, quia vitæ liberaliorem cultum magis diligunt, neque adduci possunt ut magno cum labore sumptuosas epulas parent, atque eas postea vorècant. Arcubus enim ligneis vtuntur, & sagittas habent veneno imbutas, quod efficax admodum est: nisi enim qui plagam acceperit, vel theriacam bibat, vel aliquod aliud salutare præsidium, vel statim omnem plagam prædicat, ne latius serpat, vniuersum necesse est corpus pereat. Ad loca prærupta & accessu difficilia confugere, & ibi commorari gaudent. Hætenus Leo Imp.

HISTORIA, quæ in hac tabula quoque continetur, luculentam habes descriptionem apud Cassiodorum 12. Variar. ad Præuinciales huius regionis: ubi eam ob fructuum optabilem fecunditatem Rauennæ Campaniam, & Regiæ vrbs Cellam pennariam nominat.

